



**МОНГОЛ УЛСЫН
ЕРӨНХИЙ АУДИТОР**

15160 Улаанбаатар хот, Чингэлтэй дүүрэг
Бага тойруу-3, Засгийн газрын IV байр
Утас:26-04-37, Факс:51-26-42-30
E-mail: info@audit.gov.mn

УЛСЫН ИХ ХУРЛЫН 2024 ОНЫ ЭЭЛЖИТ
СОНГУУЛЬД ОРОЛЦОХ УЛС ТӨРИЙН
НАМ, ЭВСЛИЙН УДИРДЛАГАД

2024.02.26 № 370
танай _____-ны № _____-т

Мөрийн хөтөлбөрт дүгнэлт гаргах
аудитын тухай

Төрийн аудитын тухай хуулийн 6 дугаар зүйл, Монгол Улсын Их Хурлын сонгуулийн тухай хуулийн 38 дугаар зүйлийн 38.5, Хөгжлийн бодлого, төлөвлөлт түүний удирдлагын тухай хуулийн 5 дугаар зүйлийн 5.3, 5.4 дэх хэсэгт тус тус заасны дагуу Төрийн аудитын байгууллага Улсын Их Хурлын Сонгуульд оролцох нам, эвслийн сонгуулийн мөрийн хөтөлбөрийг хянаж, дүгнэлт гаргахаар заасан. Энэхүү зохицуулалтын хүрээнд Үндэсний аудитын газар сонгуульд оролцох нам, эвслийн мөрийн хөтөлбөрт аудит хийх бэлтгэл ажлыг эхлүүлээд байна.

1. Аудитыг Төрийн аудитын тухай хууль, Монгол Улсын Их Хурлын сонгуулийн тухай хууль, Хөгжлийн бодлого, төлөвлөлт түүний удирдлагын тухай хуулийн хүрээнд MNS 6817 : 2020 – Төрийн аудитын стандартын дагуу гүйцэтгэх ба дараах үүргийг хэрэгжүүлнэ. Үүнд:

- 1.1 Улс төрийн нам, эвслийн сонгуулийн мөрийн хөтөлбөрт орсон зорилт, арга хэмжээ нь Монгол Улсын Их Хурлын сонгуулийн тухай хуулийн 38 дугаар зүйлийн 38.3-т заасан мөрийн хөтөлбөрт тусгахыг хориглосон заалт байгаа эсэхийг хянах;
- 1.2 Мөн мөрийн хөтөлбөр нь хуульд заасан үндэсний аюулгүй байдлын үзэл баримтлал болон Улсын Их Хурлаас баталсан хөгжлийн бодлого, төлөвлөлтийн баримт бичигт нийцсэн эсэхийг хянах;
- 1.3 Улс төрийн нам, эвслийн сонгуулийн мөрийн хөтөлбөрт орсон зорилт, арга хэмжээ нь хуульд заасан Монгол Улсын хөгжлийн урт хугацааны бодлогын баримт бичигт нийцсэн эсэх болон санхүүгийн тодорхой эх үүсвэр шаардсан арга хэмжээг хэрэгжүүлэхэд гарах зардлын дүн нь Төсвийн тогтвортой байдлын хуульд заасан төсвийн тусгай шаардлагад нийцсэн эсэхийг хянах;
- 1.4 Тодруулах зүйлсийг тухай бүр мэдэгдэх бөгөөд аудитын явцад удирдлагаас нэмэлт мэдээлэл, тайлбар авах;
- 1.5 Монгол Улсын Их Хурлын сонгуулийн тухай хуулийн 38 дугаар зүйлийн 38.9-д заасны дагуу сонгуулийн мөрийн хөтөлбөр нь Монгол Улсын Их Хурлын сонгуулийн тухай хуульд заасан шаардлага хангаагүй дүгнэлт гарсан тохиолдолд тав хоногийн дотор зөрчлийг арилгуулж, дахин дүгнэлт гаргах зэрэг болно.

2. Монгол Улсын Их Хурлын сонгуулийн тухай хуулийн дагуу нам, эвсэл нь дараах үүрэг хариуцлагыг хүлээж байна. Үүнд:

- 2.1 Нам, эвсэл нь мөрийн хөтөлбөртөө дүгнэлт гаргуулахаар 03 дугаар сарын 25-ны өдрөөс өмнө Үндэсний аудитын газарт хүргүүлсэн байх; /Монгол Улсын Их Хурлын сонгуулийн тухай хуулийн 38.6/;
- 2.2 Нам, эвсэл нь сонгуульд оролцох хүсэлтийг санал авах өдрөөс 60-аас доошгүй хоногийн өмнө илэрхийлэхдээ дээрх дүгнэлтийг гаргуулсан байх;
- 2.3 Нам, эвслийн сонгуулийн мөрийн хөтөлбөр нь хуульд заасан шаардлага хангаагүй тохиолдолд тав хоногийн дотор зөрчлийг арилгасны үндсэн дээр дахин дүгнэлт гаргуулах;
- 2.4 Нам, эвслийн сонгуулийн мөрийн хөтөлбөр болон түүнд дүгнэлт гаргахад шаардагдах мэдээлэл /энэхүү захидлын нэг ба хоёрдугаар хавсралт/ мөн мөрийн хөтөлбөрийн 3 эх хувийг¹ хэвлэмэл байдлаар, хувийг /мөрийн хөтөлбөрийг word file, санхүүжилтийн тооцооллыг excel file хэлбэрээр дахин бичилт хийх боломжгүй CD-нд буулган/ дугтуйнд хийж битүүмжлэлтэйгээр Үндэсний аудитын газар /Засгийн газрын 4 дүгээр байр 4 давхар 407 тоот өрөөнд ажлын цагаар хүлээлгэн өгнө. Дугтуйн дээр намын нэрийг гаргацтайгаар бичсэн байна.

Иймд сонгуульд оролцох нам, эвсэл дөрвөн жилийн хугацаанд хэрэгжих мөрийн хөтөлбөрийг шаардлагатай баримт, материал, энэхүү захидлын хавсралтын хамт тогтоосон хугацаанд Төрийн аудитын дээд байгууллагад ирүүлэх, аудитын зорилгоор хүссэн нэмэлт тайлбар, мэдээллийг бичгээр баталгаажуулж ирүүлэх зэрэг аудитыг гүйцэтгэх боломжоор хангаж ажиллана уу.

Дээрх чиг үүргийг хэрэгжүүлэхтэй холбоотойгоор тухайн **нам, эвслийг төлөөлөн шууд харилцах эрх бүхий албан тушаалтныг томилж, холбогдох нотлох баримтын хамт ирүүлж**, уг албан тушаалтан өөрчлөгдөх бүрд Үндэсний аудитын газарт бичгээр мэдэгдэнэ үү.


Аудитыг хуулиар тогтоосон хугацаанд гүйцэтгэхэд харилцан хүлээсэн үүргээ хэрэгжүүлж хамтран ажиллана гэдэгт итгэж байна.

Жич: Талуудын харилцан хүлээх үүрэг, хариуцлага болон бидний гүйцэтгэх аудитын нөхцөлтэй танилцсан гэдгээ илэрхийлж хариуг албан ёсоор ирүүлэхийг зөвлөж байна.

Хавсралт . . . хуудастай.

Хүндэтгэсэн,

МОНГОЛ УЛСЫН ЕРӨНХИЙ
АУДИТОРЫН АЛБАН ҮҮРГИЙГ
ТҮР ОРЛОН ГҮЙЦЭТГЭГЧ



Д.ЗАГДЖАВ

¹ Мөрийн хөтөлбөрт дүгнэлт гаргасан дүгнэлтийг эх хувиар 3 газар хэрэглэнэ. 1%-ийг ТАБ-д, 1% -ийг СЕХ-нд, 1% -ийг нам эвсэл, бие даан нэр дэвшигчид баталгаажуулан хүргүүлнэ.